

En jöbia, ai 30 de merz domisdé y en vëndres, ai 31 de merz é le dotur Eduard Agreiter demez y vëgn sostituì dala doturia Grete Mahlknecht 349 06 67 034.

PLOANIES SAN MARTIN Y LUNGIARÜ

Le Movimënt catolich dles Ères da Balsan inviëia dotes les ères da ji sò Jeunn, en sabeda, al 1 d'aurì, sot al tema „Ester sigüdes dl amur de Dî“. Dales 14.00 él tla dljia ploanala de Tluses na proa da cianté y da dailó pëion spo sò dales 14.30. Tla dljia dla Santa Crusc sò Jeunn tignunse spo na zelebrazion liturgica. Da la Val Badia ne vá ia degun bus mo i podun se mëte en contat cun les ères de Puster, telefonan a Margareth 0474 913 140 tratan les ores de büro o al numer 348 81 07 183. Y zënza podunse se mëte adöm y jí ia privatamënter. Dotes é bel inviades.

SAN MARTIN

La maestra de religiun, Teresa Piazza Costalunga, che á fat le curs de preparaziun al sorvisc da partí fora la comuniun, é cialfé dal Vësko la lizënza da eserzité chësc ministér. A d'ëra n bel dilan!

Le Grup Jonil di Stödafüch da San Martin chir jogn da 12 a 16 agn che vëgnes a fá pert dl grup. Düc i interessá é periá da gní en sabeda, al 1 d'aurì, dales 17.30 tl magazin di stödafüch a na sëra d'informaziun o da telefoné a Alan 333 44 29 889 I sperun ch'al nen vëgnes tröc. -----

Le Sorvisc ai Jogn mët a jí, adöm cun la Uniun dl Teater da La Val, en chësc isté n proiet teatral-pedagogich te cater lingac. A chësc proiet pó tó pert jogn y jones de dōta la Val Badia, da 15 a 25 agn. Al gnará organisé n workshop, olache i partezipanc podará instësc cherié na figōra, realisé y scrí n toch improvisé, l'amplié cun musiga y ala fin le porté dant sön paladina. La rejia vëgn surantuta da Barbara Rottensteiner Comploi che á na gran esperiënza tl laur cun jogn y jones. Les iscriziuns é debann y vëgn tutes sò cina ai 30 de merz sön www.proiec.org Info tl Sorvisc ai Jogn 0474 523 070.

En jöbia ai 30 de merz, dales 20.00, él tl salf Raiffeisen a Al Plan n referat dal titul "Iō aldi lapró - Co podunse pa sostigní bun nüsc mituns, ti systems desvalis?" Referēnta é Kathia Nocker, pedagoga, insegnanta, coach sistemica, cun deplü agn d'esperienza tl laur cun mituns y jogn tl ciamp dla scora y defora. Ara se trata di mituns sciōche mēmbri dl sistem familiar, dl svilup di mituns y jogn tla puberté, dl post di mituns ti systems desvalis sciōche familia, scolina, scora, uniuns, comun etc. Al ne mancia nia ejēmpli pratics y lerch por la discusiun.

Döt le bun a chi che complësc i agn de aurí

a San Martin: Paula Ploner-Trebo che nen complësc 85 ai 12
Sepl Unterweger che nen complësc 88 ai 24

a Lungiarü Lidvina Costa Clara che nen complësc 94 ai 8
Berta Clara Mischi che nen complësc 84 ai 20
Amalia Rives Mischi che nen complësc 83 ai 23
Iaco Mischi che nen complësc 93 ai 26



www.unitepastorla.org

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

26.03.17 – 02.04.17 nr. 18

termo da publiché: jöbia 20.00
radio: 90,40 / 93,70



4ª DOMÈNIA DE CARSÈMA - A

Vangele: Jan 9,1-41

Ai à damanè ler verc: Cî àl pa fat cun tè? Cō al pa daurì tü edli?

Al à respognü: I ves l'á bele dit,
mo i ne m'ëis nia metü averda.

Ćiodî orëise pa l'aldî ciamò n iade?

Orëise diventè sū discepuì?

Dailò l'ài cospetè:

Tō es n discepuì de chël chestian,

nos indere sun discepuì de Mosè.

I savun che Idî ti à baié ados a Mosè;

mo de chësc ne savunse nia da olach'al vëgn.

L'ël ti à respognü: Chilò stal la morvëia,

ch'i ne savëis nia da olach'al vëgn;

deperpo ch'al à pō daurì mi edli.

Mai n'àn ciamò aldî, che zacai ti ess daurì i edli a un che é nasciü verc.

Sce chësc chestian ne gniss nia da Idî, spo n'ëssel dessigü derzè fora nia.

*I un dan da nos n verc che vëiga indō, cun i edli dl corp y cun chi dla fede,
y i farisés che vëiga cun sū edli, mo che é verc defrunt a Gejú y sūes opres.*

*Ince sce chël verc porvâ da ti splighé ai farisés che Gejú messâ gní da Idî,
deach'al l'â varí, ne n'oi nia crëie y stá sön la sūa.*

Tan deplü se stēnta pa la jēnt da incō da crëie, ne odon nia n te miraco?

*Le comit de nos cristians é chël, da ti daurí i edli y ince les orédles ala jēnt,
cuntan de mia fede y de ci ch'ara significhëia por me y porvan da vire aladō.*

*Pian ia da me: Iō á n gröm de poscibilitēs da fá de pici mirachi,
che pó ti daurí a d'atri i edli por l'amur de Dî: daidan, partin,
compatin, consolan, ascutan – degōnes opres straordinares,
mo de pices testimonianzes dla fede y dl amur.*

*N'avëi degōna tēma da jí pormez y se dé da fá, sciōche Gejú nes l'á vit dant!
Al é tröc verc che nes aspeta.*



	SAN MARTIN	LUNGIARÜ	UNITÉ PASTORALA  AZIUN CARSÈMA 26/03 – 02/04 „Fá para! A ci podessi pa renunzié“ L'Unité Pastorala Val Badia inviëia vignun y vignöna a fá deplü fora dla Carsëma. Jon fora da na Parora dl vangele dla domënia metunse dant edema por edema na proposta concreta por valorisé danü la ligrëza y la speranza liada ala Buna Noela. Les esperiënzes pó gní partides cun i atri, les publican sön la plata facebook (Gruppe: Aktion Verzicht) o internet (www.aktion-verzicht.net) Aziun: „Co ési pa gnüs dauris tü edli?“- Jan 9,10 Tan gonot ch'i sun adurbá dai massmedia incër nos ia. Chëst'edema prói pa da filtré les informaziuns y da fá a manco de chisc mesi can ch'al n'é nia debojëgn. ----- Intenziun dl Papa por le mëis de mërz <i>I periun por i cristians porseghitá tichiná, pará demez da sües ciases y en pert ince martorjá y copá – I periun ch'ai vëgnes daidá cun la oraziun y cun l'aiüt material de döta la Dlija.</i> Incorajamënt - 4ª Domënia de Carsëma <i>Pormó nurcaltan sozedel le dër miraco, ci che le verc odô atira ê ma na picia idea de ci che Gejú orô le condüje a odëi. Le verc varí vá da Gejú y ti dij „Signur“, y al é sciöche les cultrines dan sü edli tomass demez. Pormó sëgn vëighel pordemënter.</i>
26.03.17 4ª DOMËNIA de Carsëma – A <i>“Laetare!”</i>	ORA DA D'ISTÉ 9.00 Staziuns 9.30 Gran Mëssa dla Comunité <i>Oferta por le Kassianswerk</i>	ORA DA D'ISTÉ 7.55 Staziuns y confesciuns 8.15 Gran Mëssa dla Comunité <i>Oferta por le Kassianswerk</i>	
27.03.17 Lönesc <i>Sciander, Augusta</i>	20.00 Cërtil dla Bibla te calonia a San Martin	17.00 Staziuns 20.00 Cërtil dla Bibla a San Martin	
28.03.17 Dedolönesc <i>Guntram, Stefo</i>	19.30 Mëssa + Artur Conrater + + + Heinrich, Angela y Matî Clara + + de Gröpa + Giovanni Pescoller (Uniun KVV)	7.30 Zelebrazium dla Parora de Dî	
29.03.17 Dedemesaledema <i>Helmut, Ludolf</i>	19.30 Staziuns 20.00 Sentada dla Uniun Pastorala	7.30 Mëssa por les families de Nazio y Loise de Col por les Animes	
30.03.17 Jöbia <i>Dodo, Roswita</i>	7.30 Mëssa + Giovanni Tavella + + de Hilda Sottara + Sciandro Trebo Corona por vocaziuns 20.00 Incuntada cun i geniturs di mituns che vá a confermé	7.30 Funziun de Carsëma	
31.03.17 Vëndres <i>Cornelia, Guido</i>	19.30 Funziun Penitenziala	7.30 Mëssa + + de Sepl y Frieda Chiusura + + Isidoro y Monica Mischi	
01.04.17 Sabeda <i>Irene, Hugo, Gilbert</i>	15.30 Mëssa tla Ciasa de Palsa 18.30 Mëssa prefestia + Giovanni Trebo (Tor) + Mariangel Tavella en onur de S. Ujöp Freinademetz	20.00 Mëssa prefestia + + Giovanni y Herta Clara + + Severino y Angela Clara	
02.04.17 5ª DOMËNIA de Carsëma – A	9.00 Staziuns 9.30 Gran Mëssa dla Comunité + Maria Agreiter Chizzali	7.45 Confesciuns 7.55 Staziuns 8.15 Gran Mëssa dla Comunité dedô Proa di sorvidus por l'Edema Santa	